

Vestskog
finn.olav.myhren@vestskog.no

Dato: 02.07.2015
Vår ref.: 2015/295-16
Saksbehandlar: jomragn
Dykkar ref.: 15SE35F8

Tilskot til viltformål 2015 - Tilsegn om tilskot inntil kr 280 000 til prosjekt "Forvaltning av hjortebestand 2013-2017"

Tilsegnsnr. 2015/295-16

Søknaden sitt referansenummer i Elektronisk Søknadssenter i Miljødirektoratet: 15SE35F8.

Vi er glad for å melde at Hordaland fylkeskommune løyver inntil kr 280 000 til prosjektet "Forvaltning av hjortebestand 2013-2017".

Vi viser til søknaden dykkar datert 15.01.2015, og politisk vedtak i Kultur- og ressursutvalet, 02.06.2015, [sak PS 113/2015](#). Direkte lenkje til saksframlegg (pdf-fil): <http://bit.ly/1RTfyOd>.

Tilskotet er ein del av fylkeskommunen si satsing innan forvaltninga av haustbare ikkje truga viltartar, med bakgrunn i løyving under den statlege tilskotsordninga til viltformål, kap. 1425 post 71, underpost 3, jf. Klima- og Miljødepartementet sitt rundskriv T-1/14 Tilskotsordningar for 2015 – Tilskot til viltformål.

Tilsegna gjeld til 31.12.2016.

1. PROSJEKTGRUNNLAG

Prosjektet starta i 2013 og er i 2015 inne i sitt tredje år. Prosjektet legg til rette for etablering av grunneigarstyrt forvaltning av hjortebestandar og vil i 2015 starte praktisk arbeid i nye føreslåtte forvaltningsområde for hjort. Arbeid med etablering av nye bestandsplanområder og utarbeiding av bestandsplanar for desse er i gong per januar 2015. I Hordaland deltek dei fleste kommunane i prosjektet, og dei fleste av desse kommunane støttar/deltek i prosjektet med eige vilttilskot, i tillegg til tilskot frå fylkeskommunen.

Følgjande står i prosjektbeskrivinga frå 2013 vedlagt søknaden i 2015:

Prosjekt mål

Hovudmål:

- Etablere bestandsforvaltning av hjort på Vestlandet.

Delmål:

- Kartfeste bestandsområde.
- Etablere felles forvaltning innan bestandsområda, medrekna organisering, oppstart og drift.
- Etablere rutinar for analyse og vurdering av bestandsforhold for kvart bestandsplanområde.

Aktivitetar/framdriftsplan:

1. Prosess for å definere/kartfeste bestandsområde for hjort.
2. Etablere nye bestandsplanområde/vald med struktur, arbeidsmåtar og innhald.

Prosjektleiari i samråd med rådgjevingssgruppe og kommunar prioriterer og gjennomfører tiltak i prosjektet.

2. PROSJEKTORGANISERING

Prosjektansvarleg/tilsegnsnittakar: Vestskog v/Finn Olav Myhren finn.olav.myhren@vestskog.no (etter fusjonering med Sogn og Fjordane Skogeigarlag)

Prosjektleiari: Arve Aarhus aaarh@online.no

Prosjektrådgjevingssgruppe Hordaland: Prosjektleiari, representant frå fylkeskommunen (1) og representantar frå kommunane (minst 3).

Prosjektet vert gjennomført i tett samhandling med relevante aktørar i hjorteforvaltninga – grunneigarar, kommunane, fylkeskommunen, Miljødirektoratet, samt relevante fagmiljø - Norsk Hjortesenter, NINA, Bioforsk, UiO og/eller andre.

Forankring

Bestandsforvaltning skal vere hovudregelen ved forvaltning av hjort og elg, jf. rundskriv (februar 2012) til forskrift om forvaltning av hjortevilt. Etter forskrifta (§ 17) skal også kommunane bidra til regional, bestandsretta forvaltning ved godkjenning av vald, bestandsplanområder og ved andre former for samarbeid. Prosjektet dekkjer ikkje driftsoppgåver i villtforvaltninga i kommunar og fylke.

3. GODKJENDE KOSTNADER OG GODKJEND FINANSIERINGSPLAN**Godkjende kostnader (jf. søknad 2015/delprosjekt Hordaland, jf. prosjektbeskriving 2013-17)**

Løn/personalkost (ca 1140 timar x 690 kr)	kr	785 000
Rådgjevingssmøter	kr	90 000
Nettsider og informasjon	kr	20 000
Reisekostnader (kjøring)	kr	100 000
Diverse utlegg	kr	30 000
Sum	kr	1 025 000

Godkjend finansieringsplan

Kommunar i Hordaland (33 stk x 20.000 kr)	kr	660 000
Hordaland fylkeskommune 2015, budsjettområde 160.404	kr	280 000
Udekkja	kr	85 000
Sum	kr	1 025 000

4. VILKÅR FOR TILSKOTET

- Tilsegnsnittakar må signere vedlagt akseptskjema og sende til fylkeskommunen innan 2 månader.
- Prosjektet må gjennomførast i samsvar med innsendt prosjektplan. Det er ein føresetnad at prosjektet vert finansiert slik godkjend kostnads- og finansieringsplan ovanfor viser. Om dette kravet ikkje er oppfylt kan tilskotet bli skjønsmessig avkorta, eller krevjast betalt tilbake.
- Tilsegnsnittakar har ansvar for å kontrollere at utbetalt beløp er korrekt. Eventuelt for mykje utbetalt tilskot skal betalast attende snarast.

Profilering

- I alle presentasjonar av og orienteringar om prosjektet, pliktar tilsegnsnittakar å informere tydeleg om at prosjektet er delfinansiert av Hordaland fylkeskommune.

Rapportering

- Så snart prosjektet er avslutta **skal** tilsegnsmottakar sende sluttrapport til fylkeskommunen. Dette gjeld for alle prosjekt.
- *Sluttrapporten* skal seie noko om:
 - ◊ Bakgrunn for prosjektet
 - ◊ Mål med prosjektet
 - ◊ Oppnådde resultat
 - ◊ Vurdering mot oppsette mål
 - ◊ Oppsummering av prosjektarbeidet (organisering, sterke/svake sider ved prosjektet, ikkje planlagde resultat, informasjon m. v.)
 - ◊ Eventuell vidareføring av prosjektet
- Mottakar av tilskot skal innan søknad om sluttutbetaling også levere sluttrapport og sluttrekneskap i Miljødirektoratet sitt elektroniske søknadssenter, jf. krav til rapportering i [Forskrift om tilskudd til viltformål § 4](#).

Utbetaling

- Tilsegnsmottakar skal så snart prosjektet er avslutta sende sluttrapport og signert sluttrekneskapsskjema for prosjektet til fylkeskommunen (vedlagt). Dette gir grunnlag for utbetaling.
- Revisor skal attestere sluttrekneskapen for tilsegn over kr 100 000.

Kontroll

- Fylkeskommunen og fylkeskommunen sin revisor har når som helst rett til å kontrollere at midlane vert forvalta i samsvar med vilkåra i tilsegna. Vi gjer merksam på at de pliktar å gje fylkeskommunen og fylkeskommunen sin revisor dei opplysningane dei finn påkravd for sin kontroll.
- Riksrevisjonen har også høve til slik kontroll, jf. Stortinget sitt løyvingreglement §10.

Klage/innsyn i dokumenta

Part eller andre med rettsleg klageinteresse kan påklage vedtaket innan ein frist på tre - 3 - veker. Fristen vert rekna frå den dagen de mottok melding om vedtaket. Den fylkeskommunale klagenemnda er klageinstans. Klagen skal sendast til Regionalavdelinga, Postboks 7900, 5020 Bergen. Klagen må innehalde opplysningar om kva vedtak det vert klaga over, og dei grunnar som klagen støttar seg til.

Vi gjer merksam på at de etter Forvaltningslova har rett til å gjere dykk kjende med dokumenta i saka med dei avgrensingane som følgjer av §§ 18 og 19.

5. Kontaktperson

Hordaland fylkeskommune sin kontaktperson for dette prosjektet er Jomar Ragnhildstveit, jomar.ragnhildstveit@hfk.no tlf. 55 23 93 08.

Fylkeskommunen ønsker lukke til med gjennomføringa av prosjektet!

Med helsing

Gudrun Mathisen
leiar

Jomar Ragnhildstveit
seniorrådgjevar

Brevet er godkjent elektronisk og har derfor inga underskrift.

Kopi til: Arve Aarhus

Vedlegg: Akseptskjema
Sluttrekneskapsskjema

Tilsegnsinntakere må så snart tilsegnsbrevet er motteke signere vedlagte akseptskjema og sende i retur til Hordaland fylkeskommune, seinast innan 2 månader.

AKSEPTSKJEMA for Tilskot til viltformål 2015

Prosjektnamn: Forvaltning av hjortebestand 2013-2017	Tilsegnsnr: 2015/295-16
Tilskot inntil kr: 280 000,-	
Tilskotet gjeld til: 31.12.2016	Vår ref. 2015/295-16

Fyllast ut av tilsegnsinntakere:

Tilsegnsinntakere: _____

Postadresse: _____

Kontaktperson: _____

Telefon/telefaks: _____ E-postadresse: _____

Org. nr.: _____ Kto.nr.bank/post: _____

Vi stadfester med dette at vi har lest tilsegnsbrevet og aksepterer vilkåra for løyvinga, samt tek ansvar for at prosjektet vert gjennomført etter planen.

Signatur:..... Stad:..... Dato:.....

Prosjektansvarleg

Returadresse: Hordaland fylkeskommune, Regionalavdelinga, Postboks 7900, 5020 Bergen

